

鄢陵文獻志

鄢陵文獻志卷三十

鄢陵蘇源生菊邨纂

人物志七

義行

元

胡用璋

新纂胡用璋鄢陵人疎達明信不肯爲自欺以德行化其鄉曲鄰有棗樹歲秋實積墜舍旁地命左右拾以歸其主與人交不矯矯以異亦不翕翕以同以故人莫能親疎之居嘗自號曰陶然翁嘗謂子景先曰

文獻志

卷三十

一

我胡氏之先世大業有緡德未發當後有食其報者其後孫彝果顯貴贈用璋嘉議大夫史部尙書上輕車都尉魏郡侯初用璋與其舅弟起鄢陵提家北絕河寓安陽舅弟皆還鄢陵而用璋獨留其先嘗繼爲宋金顯官而天興剽蕪之餘雖鄢陵葬有塋塋有碑石剝泐文不可識故其世莫得而詳焉

本馬祖常撰墓碑

胡景先

新纂胡景先字彥明本鄢陵人父用璋金末徙安陽景先少端默有遠操內自修飭不求當世之譽樂其所守謂竅術求榮不多於竭力以供子職枉已逐物

不賢於隱居以遂吾志故事親爲學力田業生以終其世於貴富寵炎未嘗動於意兄歿事寡嫂岳尤盡禮畜其孤某如已子里人有貸錢爲本業子本相埒至萬十數貧莫能償主責之棘聲自經景先捐貲與償之里人謝爲券質景先所景先火其券歲大稔出廩實以賙其鄉旣匱又賣田繼之至熟人將酬之不受鄰有喪子弱貧無所有景先爲具飯含及衣被棺木以殮藏之恤其孥旣長俾有家願傭以報不許盜有竊其牛羊者又竊所乘馬景先知賊處一不問人嘗具饌奉景先景先肉而甘召庖人問之曰燔能澤

濡能焦味奚是適庖對以法上下釜皆新鑄合肉其中密其款頂跡加火焉景先曰毋得釜損乎味於適而器於弊吾弗忍其平居恂恂恭謹遇人無戚疏豁然無機憵或欺罔之不以變春秋高矣出入閭里嘗卸車馬不御與故人父老游或具几杖亦不扶以故鄉人皆德其善而嚮其莊不忍以字稱之尊之謂翁其長者謂其子弟必教以景先爲法曰爲人若胡翁足矣其歿也惇寡饑饉難亟患阨之人相值必曰胡翁之亡俾吾無所控恃致和元年二月六日方與親戚高會言笑如平時忽舉手謝客匡坐而歿得壽八

十以其年五月十日葬安陽縣孝明村之原初封奉
訓大夫載封朝請大夫同簽太常禮儀院事騎都尉
安定郡伯進封翰林直學士亞中大夫輕車都尉安
定郡侯累贈魏郡公子二人曰彝由丞相椽官至河
南江北行中書省參知政事曰規兵部曹

本馬祖常
撰墓碑

明

張著

新纂張著字彥明自少讀書通大義謹言行得乎親
見信於友鄉黨有窘於衣食者賙之有不能嫁娶者
助之死不能葬者葬之楊氏子幼孤無所歸著養之

文獻志

卷三十

三

成人鄉人有不平質其是非無不悅服由是邑人咸
稱爲長者有司聞其賢欲薦之著念親老不忍棄去
辭不就及居親喪哀毀不勝衣所居僅蔽風雨餽粥
或不繼處之裕如也其訓子弟以力本務學責其成
其告語鄉人以勤儉治生爲本領洪熙元年卒年六
十六子謙濬哲聰睿廉智謙由鄉舉歷官代州安樂
州知州睿由庚戌進士官至戶部尚書

本楊溥
撰墓表

牛興

施志牛興福淵子輔孫也三世皆遁跡邱園積善行
義而興尤孝友出於至性居閭里急人所無傾囊倒

廩無吝色一時推服之及卒薛文清公表其墓子良舉於鄉累官兩淮運同孫理曾孫緩連登仕籍人皆謂積善之報云

孫旻

新纂孫旻字思學世家鄢陵之張橋店孝於親友於弟接人以義待下以慈鄉黨有不給者輒爲周濟無難色環數百里人多假貸旻聽其自償而不立券里人爭鬪有不平者率赴求直旻以禮決其是非人無後言爲善之心孜孜惟恐弗及平居嘗謂諸弟曰昔張公藝九世同居至今膾炙人口吾輩本同一氣豈

文獻志

卷三十

四

可分財異處乎又語諸子姪曰汝輩生逢聖世當窮經致用以振家聲諸弟子姪聞其言益以和睦爲事四世同產子姪僕隸合爨者凡二千餘指家範一倣義門鄭氏云正統二年三月朝廷遣大臣勸富民出粟賑貧子旭出麥一千二百石上命廷臣陳金賚璽書旌爲義民子震由邑庠升國學正統戊辰冬擢授蒙城縣尹政興務舉聲稱赫然蓋皆本於旻之教也

旻卒於宣德八年年七十三

本歐陽興撰墓表

李達

經志李達孫旭石原畢敬韓俊五人皆正統天順成

化閒各輸粟一千餘石賑濟有司奏蒙旌表

趙鏜

新纂趙鏜字德和始祖得用元末揚州路判居鄆之北福邨得用孫十一人避亂相失亂定惟次六名司圖者還司圖生太享享堂寬寬生祥祥生鏜孝友勤儉好施與宏治六年奉例輸粟賑饑賜七品散官因益以濟貧爲事與族兄弟三人結社儲穀遇婚喪弗能舉者窘乏弗聊生者輒施不取償稱貸而久不能償者輒焚券示之其復來貸輒復與一儒生補廩用束修輒予錢以爲束修族人嘗有負雜犯贖受拷禁

文獻志

卷三十

五

輒予金以完贖訪鄰境歉輦穀數十斛往給貧民暨緇黃之流性能容忍每惡少醉辱徑避不較鄉鄰謝某被酒辱詈鏜偉軀幹有力環袖示之曰吾能擊爾斃然弗擊爾吾忍爾其夜謝姓卒厥病死鏜自慶曰使吾彈渠一指朝日誣毆殺矣自是遇事益能容忍平居著疏羸必出紡績者裙裳未嘗用松布常戒子孫以爲法性醇樸慈良而衷存識鑒心不慕榮誇言不及私昵足不履公府始終如一鄉邑稱爲善人嘉

靖六年正月無疾卒年六十八

本陳集
文岡集

谷誠

新纂谷誠字廷實號雙涯幼無妄語戲動長質直
書通大義自然孝友雖累世貲厚而崇儉罔驕喜施
不吝衣食僅取充口蔽躬守先人敝廬弗加葺然宗
姻多待以舉火婚喪每周其弗能稱貸於人惟取半
息艱所償者或併券毀焉鬻田者倍其值曰彼棄產
日趨於敗忍更靳予以自利耶用是鄉人無遠近大
小胥稱頌不容口歲大侵富積者多糶粟以射利誠
獨輸賑斛以千計賴活者甚衆邑大夫義之擬請授
以官則懼然不敢當邑侯改濬七里河深濶倍昔誠
屬其子捐金建橋橋成人咸頌之居嘗處物公平鄉

文獻志

卷三十

六

鄰之鬪者將訟以理法諭之皆赧服從孫禮少孤弗
率慈撫嚴訓俾絕荒嬉業卒賴以不墜聘鄉飲大賓
避舍辭人益高之卒於嘉靖十四年年六十六

本劉
訥撰

墓
表

李成

新纂李成字德修富而不慳聚而能散其兄弟遺孤
七人皆撫如己子授之室與之產無不安於温飽者
嘉靖戊戌歲初不登嗣而再不登粟貴如金途有餓
孳成不拒稱貸多所全活邑南二十里許有三道河
秋水一灌不辨牛馬成捐已貲率衆建橋遠近過者

咸懷德焉年七十膺冠帶嘉靖辛亥卒年七十七

劉本

訃撰
墓表

韓大慶

經志韓大慶號北泉敦義樂施嘗佐邑令陳登雲請改鄆陵錢糧爲條鞭鄆民稱便壽九十七子自重

曹守潤

新纂曹守潤字鏡山居城南張橋里生而仁慈好善樂施事親孝雖有兄守聯弟守清俱列膠庠凡生事葬祭一身獨任竭誠盡禮略無遺恨與兄弟分居推讓財產不存多寡見工陶朱術致巨富以貲財助兄

文獻志

卷三十

七

弟隱其名不顯其跡使兄弟家用一如已敦本篤族雖支分派遠於其貧者必量才能給貲本俾有恆業母族妻族凡諸親誼俱權其親疏遠近分別濟助鄰里鄉黨有求必應自一本以及戚里遇冠婚喪葬疾病凶災等事尤分外周恤設家塾以教訓子姪及族中子弟成就甚衆於張橋東南西北設義學數處延明師備膏火廣育人材一時人文濟濟當闖逆首亂盜賊蠡起鄆城屹然鞏固爲汴南金湯而城南一面則土爲磚鄆城屹然鞏固爲汴南金湯而城南一面則其捐貲獨修者也兵荒十餘年饑寒凍餒食子析骸

者比比守潤施綿衣以救寒計戶口以賑饑戊寅已
卯庚辰荒尤甚設粥廠二十餘處施粥三載歲費數
千金活人無算瘟疫隨兵荒流行老弱死傷屍骸徧
野命匠於城南十數邨處處造棺屍全者收棺葬之
其已散之骷顱零骨僱人拾聚而埋之寇氛益甚憂
思彌深辛已歲以疾終葬張橋其子漢節漢廉買舟
南下避難滇中寇入鄆至其空室相誡曰此善人宅
雖無人不得擅入其德之感人如此

本邑令張繩祖撰傳

國朝

常啟允

文獻志

卷三十

八

新纂常啟允字似之戶部侍郎自裕長子也邑貢生
爲人倜儻不羣復矜慎不苟明季流寇蔓延地方戒
嚴凡旅人迹涉疑似者多寘於法啟允守西城每有
緝獲必加詳慎力言於邑令釋之全活甚衆賊前鋒
抵鄆遣卒繞城大呼曰降卽活汝不然粉齏矣或以
勸啟允啟允按劍叱之曰降賊而生不如罵賊而死
吾志決矣敢有降賊者吾將以利刃齒之謀者以告
賊帥大怒揚鞭呼守謀者曰吾不願得鄆陵但願得
常公子以洩忿啟允神色不動會左良玉兵至賊迎
戰去城獲全啟允亦無恙乃奉父徙河北旋走江南

值北都陷沒

大兵下金陵總兵許定國素與啟

允相善也時在行間以書招之欲委以淮徐道啟允

辭不就策蹇返故里孝養父母友愛諸弟歲饑貸粟

者至無弗與歲仍歉弗能償卽舉原券焚之教弟翼

聖子鉉禧同登辛丑進士人謂爲積德之報云

本王廷璧

株樹堂集參道光志 蒙按道光志人物孝友類有

常啟允人物義行類又有常啟印印允皆避諱字其

劉洪都

吳志劉洪都貢生明末施粟賑鄉兵燹後復施櫛設
義學鄉里多所成就子大成亦施粟賑貧張令旌之

文獻志

卷三十

九

韓公琛

施志韓公琛字石華拔貢生進士法愈子平生仗義
施捨不倦兵燹之餘鄆尉接壤數十里無人居嚴寒
酷暑行道維艱爰具呈前令願捨己田三百畝於郛
邨鋪廟中延僧施茶湯以便行旅前令亟獎成之

常煥明

施志常煥明字光復康熙初河北荒饑民至門者多
周之時久力竭僅餘蔴餅千餘曰此亦可以療饑者
悉散給之晚舉鄉飲子士斌能繼其志亦以好義稱

梁燾

施志梁熹字曰晦庠生幼失怙恃奮志讀書族黨有貧不能婚葬者多周濟之期功之親有遺孤無所歸者留養之其伯祖太常克從乏嗣停柩於室爲營葬其他施予鄉黨亦時被其澤邑令李而侗舉爲鄉飲大賓

陳佑

新纂陳佑字君申世居鄢陵之張橋援例爲州同席先資素封然忼慷好施常不使有餘貲貧者待以舉火稱貸不能償卽棄其債遇親舊有急難哀其窮而運轉之窮力殫慮雖自謀不是過臨財廉取與義有

文獻志

卷三十

十

古人風所結交皆志誼知名士不與流俗伍也尤好接引後進延師督課無虛日制臺王公士俊之治豫也令各縣設立廣仁堂養濟窮民佑慨然以一困粟贊之已又置常穩之田若干畝爲瑩獨計久長鎮北隅古廟衆議改爲士子肄業地約費數百金佑獨任其事有彭果閻者佑之從姑母子也本閻姓隨母嫁至彭後困躓惇惇無可依幾不欲生佑招而撫育之娶妻生子閻氏賴以有後康熙末關內饑有賈乞糴於鄢市僧彭自省持金詣佑擲几上會佑他往彭忘而趨出久之覺惶懼不知所爲佑歸悉其事完璧歸

焉邑中先達梁侍御曰緝常京兆百子皆雅愛重佑

樂與之交云

本齊森撰傳

梁起漢

施志梁起漢字涵嶠侍御熙之曾孫也性慷慨與人
不設城府樂賙人急每遇親友喪葬事有求則盡力
助之無吝意雍正十三年總督王設體仁堂廣仁堂
勸捐義田起漢首捐百餘畝制臺旌以匾額曰仁昭
閭里

饜興昌

施志饜興昌字伯侯事親能曲體親心兄弟析居多

文獻志

卷三十

十一

讓產親族有貧不能舉火或無力婚葬者悉力營助
晚年嘗檢篋得欠券二千餘金慨然曰向者有某某
曾償我二百餘金皆不納以其爲鬻女與典地貲也
茲券中豈少其人乎悉焚之雍正九年春歲凶出所
積糧四千餘石去糠土減價以售一時稱之子起莘
貢生

張九疇

中州彰善錄張九疇鄆陵人業農性謹厚能教子子
四皆共饜食指二十餘家無詬誶聲所耕薄田二頃
九疇素儉久之積粟百石乾隆四年水災九疇盡以

周鄰里渾忘其積之艱苦也一時存活者二百餘人
宋天召
施志宋天召家貧傭工小窑鎮鎮西有橋名沙古大
道也召刈草得皮搭視之白銀三百兩守候至日夕
一人奔馳而來張惶四望若不欲生召詢之乃失銀
者遂還之其人分半以謝召曰我若貪初拾時卽去
矣何謝爲其人再拜而去

李進

施志李進字先登性樸誠於街衢拾白銀八兩密爲
封識後知爲城南封姓物訪還之

文獻志

卷三十

十一

韓湛

施志韓湛字燕斯邑諸生通岐黃多活人遇貧故無
子者爲具棺殮鄉人甚德之乾隆六年雅撫軍給匾
旌獎載其事於彰善錄

石鵬舉

施志石鵬舉邑諸生素行端方爲鄉里所推重其孫
孔曜偶於道旁拾遺金二十兩歸告鵬舉鵬舉遂書
片紙曰拾金者石家莊石鵬舉也粘於城之東門遺
金者聞至其家以數告鵬舉盡還之有司旌其門

楊樹德

施志楊樹德

蒙按樹德舊刻作豎德

字澤遠幼時其父爲聘於

胡胡女目瞽厥父欲辭婚樹德自家塾歸聞之艷然曰聘時固無恙今忽至是復何言堅不許未幾女目復明嘗拾遺金詢其人還之值歲荒鄉人多以田售之遠出者積五頃及歸里謀復業乃向樹德復佃田數畝爲糊口計樹德慨然曰此若輩衣食資數畝奚濟取原券悉燬之盡還其地鄉黨咸稱其義

劉元章

施志劉元章在途拾銀五兩餘還失主後復拾錢文聞爲某遺又送還之

文獻志

卷三十

十三

步瀛洲

施志步瀛洲字盛遊庠生幼失恃從父讀書於外遺產留養其再從叔及父卒歸葬始知產爲從叔賣盡乃舌耕爲業無怨言從叔無子仍養之終身族人哀其窮欲以田二十畝與之堅不受年七十九卒

陳矩

施志陳矩邑民貧甚拾遺柴於張橋東南路得一布包約銀五十兩以柴覆之默坐其處未幾有油匠程亮張惶來矩詢而還之復於沙灘邨戲場拾銀十餘兩並糧簿頃有號呼欲死者乃催糧里長也卽還所

拾兩次還金亦異事也

石國祥

中州彰善錄石國祥鄆陵人孝事父母生養死葬皆盡禮生平施棺周粟之事頗多鄉里稱爲石善人國祥所居黃家莊舊有文廟年遠圯壞國祥倡議興修衆莫應者祥曰琳宮梵刹尙皆修葺以繼香火况供奉至聖先師之所乎前人旣創建烏可視其傾頽遂於乾隆元年獨力鳩工修整自正殿兩廡以迄戟門垣墉丹雘煥然一新所費約百金有奇乾隆六年三月本處清流河蓮花池隄埝沖決二十餘步幾爲麥

文獻志

卷三十

十四

苗害國祥見水勢汹涌不謀於衆立即捐貲僱夫搶堵一晝夜將決口填塞費幾一鎰鄉人議報官以彰其功國祥止之曰吾爲保護鄉里計耳非要名也今事已安妥何必爾人益服其高

葛從衆

中州彰善錄葛從衆鄆陵人爲人樸實慈厚親鄰有嫁娶喪葬貧不能舉者靡不竭力資助乾隆四年大水泛溢邨鄰屋宇盡坍從衆捐已田五畝搭蓋草房招聚棲息全邨安堵

周克益

施志周克益夙好施濟乾隆四年秋大水禾稼湮沒
克益捐糧一百二十石賑濟鄉人公舉邑令旌之
于之漸

施志于之漸字晉伯號述庵邑貢生立身孝友親族
待以舉火者八九家遇荒歲散給籽種計一百九十
戶前令姜詳請撫憲獎之以壽終子師渠

楊載清

施志楊載清賦性敦厚遇歲饑捐米三十石以濟貧
乏又兩次設麪所於家按口計給者二月戚里有婚
喪不能者周之以壽終

文獻志

卷三十

十五

董生桂

施志董生桂字越林乾隆四年大雨數旬邨中廬舍
半壞桂急出所有修補里人公舉其事邑令旌之

常思訥

新纂常思訥字靜齋國學生長兄思訓早世乏嗣仲
兄亦繼沒思訥以仲兄之次子爲長兄嗣析數千金
田宅付之有姊適生員韓協時貧而無子思訥先後
出貲爲兩置側室歲時餽遺俾免饑寒其他鄉黨以
艱告者亦酌濟之乾隆十八年歲歉穀價騰貴訥出
其粟減價以糶公舉於官旌曰善士

蒙按道光志人
物孝友類有常

思 訥 義 行 類 亦 有 常
思 訥 今 刪 並 歸 一

康繩武

施志康繩武邑諸生制行端方善以禮義化導鄉里
遇有爭鬪者必委曲勸解或解己貲以和好之年八
十二卒

蔣如英

施志蔣如英以耕種起家產業漸長遇歲荒鄰里親
族有不給者計口授糧多所保全

曹珪

施志曹珪字貢九武生於市拾銀二十兩遇失主還

文獻志

卷三十

十六

之

曹光參

施志曹光參字甯一貢生好急人之難及年老取諸
券謂家人曰吾老矣恐存此爲他人累悉焚之

纍釋疑

施志纍釋疑字學之監生好施與嘗合藥以濟人有
貧不能殮者與之棺木歲稔出粟五千餘石減價出
糶鄉里多德之

張垣

吳志張垣邑庠生勇於義族有張克實早卒妻陳氏

立志守節父母欲奪其志痛哭求死垣知之施地二十三畝爲氏養膳資且爲立嗣垣子擴四承父志撫恤益周

周元亮

中州彰善錄周元亮鄆陵縣監生心存利濟近邨石家莊大路低窪元亮捐二十金修甃橋一座周家營西舊橋壞積水阻隔行旅元亮捐三十金修石橋一座乾隆五年扶溝縣貧民朱之福客死亮莊給棺以殮并召其親屬搬柩贈以盤費

杜子美

文獻志

卷三十

十七

中州彰善錄杜子美鄆陵人恤人之急成人之美邨鄰韓游殯父黃浚姜大愷韓汶娶妻子美皆有攸助惠及鄉井人頌其義

趙爾有

中州彰善錄趙爾有鄆陵人乾隆五年生員席可前殯父助麥十石李旺兒貧不舉火給雜糧四斛乾隆六年二月黃金章娶婦贈銀九兩志好解推亦一鄉之善士也

錢躓

施志錢躓

蒙按躓舊刻作躓誤

字七政少英偉喜談兵洞悉機

要戊午登武榜癸未同曹爾祿北上次真定遇山東王武舉號象山者一言契合成莫逆至都同寓屆場期象山疾作鑕己得上選及內場象山病危鑕曰吾不可以功名棄吾友人勸之堅不可抵晚象山卒爲買棺成殮送其柩回里途次薄暮迷失路忽火炬照前隨至一莊叩門借宿主人衣冠甚偉流連款曲雞鳴辭去至象山家問所宿處主人姓字咸驚曰吾先人也方知昨在其瑩宿耳未幾告行出金帛相酬鑕不受乃贈劍一鞭一以歸

孟學文

文獻志

卷三十

十八

施志孟學文年八十一嘗兩拾遺金還之

張應旨

吳志張應旨字對揚國學生兄弟同居數十年無閒言姻親賴以舉火者數家年八十五猶強健鄉人咸稱爲德壽先生

李四教

吳志李四教字聖訓六甲邨人憫盛夏行旅約同志九人捐貲施茶及卒子國政敬守其事繪九老樂施圖迄今五世俱踵行不怠

王爾德

吳志王爾德字性全遭凶歲姪遵路投親汝甯不遇
遺二子在汝與妻乘便回鄆輒病夫婦俱亡爾德竭
力殯殮畢命子遵周赴汝用小車載其遺孤歸撫養
成立壽八十有四

蘇開泰

新纂蘇開泰字東山精醫術濟人甚衆性慷慨有王
某者以家貧將媳出售於人開泰聞其事傾囊回贖
仍歸其家鄉里稱之

本蘇氏
家乘

鄭利見

吳志鄭利見字乘時例授從九品屢修陳太邱祠乾

文獻志

卷三十

十九

隆乙巳丙午大饑利見存麥百餘石鄉里執券告糴
悉分與之越三載弗問有王姓者欲以所住屋相償
利見謂其子武生靖邦曰大禋之後非鬻產售業安
能償宿逋乎乃取各券悉焚之

王世青

吳志王世青字叔獻嵩縣訓導家極貧設帳授徒士
有來學而修脯不給者收而教之凡成就者四十餘
人壬申赴省試見流民鬻女母女痛不忍別爲之惻
然傾囊助之貲旣盡遂誤試期

賈世明

新纂賈世明

中州彰善錄
作賈世名

字顯臣太學生賦性仁厚

事母以孝聞族叔賈連與世明有隙屢加以橫逆弗校也乾隆辛酉連父死貧無以殮世明出十餘金購棺一副并麥一石錢四千助之連當急難時得此天良感發宿怨頓釋及乙巳丙午歲歉穀貴世明減價出糶有求必與多所全活人咸德之卒年七十九子

太和庠生孫殿魁甲寅武舉

本中州彰善錄
參吳志

程條章

吳志程條章字煥文候選主簿夏建茶亭以濟行人冬設粥廠以食饑者戚里婚葬不給咸周恤之遐邇

文獻志

卷三十

二十

稱曰善人子二慎修附貢生附雲嘉慶元年舉孝廉方正亦差有父風

劉燕祥

吳志劉燕祥字吉夫增生遇事敢言邑北汪家莊有積水地數頃租賦無出佃戶不堪敲扑祥憐之呈請蠲免至今人誦其德

蘇嵩齡

吳志蘇嵩齡字喬嶽江南鎮海衛千總承之孫天性孝友慷慨好義有平陽劉芳攜眷在鄆時值歲凶嗷嗷待斃嵩齡多方周之獲慶生全芳無嗣夫婦俱沒

復買棺覓地葬之壽九十有一終鄉黨私諡曰孝義
老人子正敏食餼

常作則

吳志常作則字子建樂善好義父熺有增修學署之
志未及行而沒作則承先志入城置善地二區於嘉
慶元年二月興修八月落成齋堂高敞棟宇堅固鄆
始有學署又捐學田七十七畝學師收其租稅得以
無乏又捐田四十九畝以爲灑埽夫役養贍資人稱
其義

陳克壯

文獻志

卷三十

二十一

吳志陳克壯字方叔以歲薦授衛輝府訓導未任人
品學問見推於時及門有貧乏不能赴試者助之資
斧附居有園地五畝其中所產盡以贍族差有范希
文之風壽八十有五

惠姓

吳志惠姓太學生樂善不倦凡有困乏者輒周之嗣
後子孫繁衍七世同堂有司上其事 旌其門壽至
九十餘

孫聖禾

吳志孫聖禾號書田太學生慷慨好施乾隆五十年

大饑禾輸粟賑濟附近八村全活甚衆五十二年本村多遭回祿禾出所積料物俾各新之後有償之者辭不受父沒時異母弟聖傳尙幼禾曲盡友愛教之成立時共賢之

蘇應瑞

吳志蘇應瑞有膂力嘗夜行遇二賊劫一商客應瑞怒力敵二賊賊中傷而退客願以百金謝應瑞笑曰吾受爾財是財不失於賊而失於吾也更護送至逆旅乃回

陳苞

文獻志

卷三十

二十一

吳志陳苞字鳳舞邑庠生父占鰲勇於爲善苞恪承父志見義必爲如設家塾息爭訟修鬢序建橋梁辦軍需稟免河工夫料諸善事不可枚舉子文鋒文鈺文銘文鎬俱庠生

楊瑄

吳志楊瑄字西獻貢生乾隆乙巳歲凶凡里黨親族困乏者瑄以錢濟之自冬徂春施錢一千三百餘緡會有帶疫至者以授受染病沒鄉鄰痛惜之

楊瓌

吳志楊瓌字右佩太學生敦孝慕義歲歉出穀平糶

未嘗索逋乾隆年間督修邑城因母病連日往返勞甚嘔血邑令旌之

王克勤

吳志王克勤字敏公幼時家貧出外貿易路拾一包裏甚重不肯開視越二日失包者來所言相合卽還之解驗內有白鏹百兩云嘉慶元年授八品頂帶

劉邦燊

吳志劉邦燊字東陽監生好義樂施嘗設義學於邨西閭里有貧不能讀者皆使之肄業其中乾隆五十年大饑施穀六十餘石苡麥五十餘石麥三十餘石

文獻志

卷三十

二十二

全活者甚衆旣沒鄉鄰咸泣下

孫聖傳

吳志孫聖傳字貫一太學生邑令保麟稱其尙義急公作文贈之

解學閔

吳志解學閔太學生得遺金十兩藏之二十餘年以待遺者不可得聞修城隍廟乃加息以充公用邑令吳名其堂曰喻義以爲闔邑勸

程附雲

新纂程附雲字凌蒼邑廩生父患沈疴侍藥三年不

離左右父歿將析產家人私謂之曰某田腴某田瘠又指騾馬諸畜曰若者上廐若者下廐慎擇之雲自取瘠田及廐之下者而以腴田良馬讓於兄性恬淡自奉素儉而周人之急濟人之危常若不及乾隆乙巳大禋鄉人不舉火者十八九雲施米粟活人無算嘉慶癸酉大饑家食缺米自尉境買粟回路爲饑民所奪家人將送官雲至三十餘人羅拜於地歸其粟雲惻然曰一車之粟可活三十餘人吾何愛粟而輕民命仍給之冬寒貧民無以爲溫施藁草暑月作舍道旁施茶歲以爲常有僕女年長備糶奩嫁之崔某

母子傭工爲之娶其母子死皆爲殮葬其他戚族佃人賴雲婚娶成室者不可勝紀生平喜成人美不肯道人一短少時讀書就塾有偷兒夜入被執燭之知爲鄰邨某自言母老無以爲養願公憐憫勿言問能改否曰能雲助之錢使持歸養母更佃以田其人後成立偶自道其事雲終身不一言也故鄉里咸稱長者時夜行有夥賊欲劫之奪其馬驚仆地內有識雲者曰勿然此盛德君子也共扶掖上馬且護送至家雲訝之賊言慕義之故雲留宿贈之金勸令改惡遷業賊遂終身勿爲盜焉嘉慶元年邑侯保公舉爲孝

廉方正丙子卒年六十二

本邑令彭鳴盛撰墓表

陳國熙

道光志陳國熙字聖化性好義其贍貧恤困自宗族始推及里黨夏施茶於路以濟行人終其身不倦今三世矣子孫猶奉行焉

唐顯功

道光志唐顯功家貧父瞽兄久出不歸顯功爲人力田得傭資養父與嫂及姪四人父與嫂皆以老壽終乃爲二姪授室而鰥居終其身

王世成

文獻志

卷三十

二十五

道光志王世成字恆立監生性耿介不苟取與晨出見道有遺囊內藏多金攜歸數日有新鄭王萬潤者覓遺金世成詢之其言合乃歸之其人欲分半以贈辭曰此爾金也吾受之無名固強之辭益力乃與訂交而去

蘇泰

道光志蘇泰字懋修國學生幼貧事父母曲盡禮及長慷慨好義嘗約衆施茶於城東嘉慶癸酉歲艱戚里待泰舉火者比比又以菜種徧布城外己田苗初茁任饑者採食之其世父彭年早卒無子泰以從姪

爲之後且授田爲養生計人咸服其義云年六十二

卒

王心
墳諱

王錫恩

新纂王錫恩字澤普善事父母父母病啼泣不食藥必嘗而後進待弟友愛終身無違言家富於財冬施衣夏施茶凶年分糧以濟窮乏故貧民請於邑侯題門以表之從姪婦張氏鄭氏孀居錫恩憐其孤寡種其田而不分其穀族姪海鵬幼年喪父家無紀綱錫恩代爲經理事得無廢從姪孫女適謝姓夫死子幼家貧身有廢疾錫恩收養於家十餘年待其子長始

文獻志

卷三十

二十六

去其敦睦類如此卒年七十七

周遇甲
採訪

